



洛陽九老祖龍學

文集目錄

龍圖閣學士左諫議大夫上柱國范陽郡開國侯

食邑二千八百戶賜紫金魚袋祖無擇撰

第一卷

古詩十一篇

書高辛氏廟

依韻和登州推官張同年之梁山

暮秋江上逢端州朱使君詩以申餞

落星寺

瀑布

遊真陽石室

景臣同年却兄作亭於公居之池上予登而名

喜之曰夢草且賦詩以志焉

題仰山二十韻

陳郡袁陟字世弼奉和

遂次金陵逢同年沈五判官

沈遜奉和

第二卷

七言四韻詩四十四首

御製賞花釣魚

九日陪舊參政蔡侍郎宴潁州西湖

讀王元之後集題于卷末

茅獻闕下一二知己

歷城郡治凝波亭

留題泰山孫復先生新居

試筆

監丞蕭君見貽嘉句仍惠芳醪強率鄙詞輒繼

高韻聊資適尔深愧斐然

寄泰山孫復

蕭五監丞新作堂成名曰雄且賦彫章題之屋

壁勉率燕惡以繼高韻

贈牛仲容

張寺丞鳴玉亭書事

庚辰清明州衙不送新火

赴任南康將經九江游

先寄交代閔屯田

送交代閔屯田赴闕

琵琶亭

南康春日

簡寂觀

右軍墨池

清明日與二三賓客賞花陳判官為推勘他州

事不預是會以詩抵予因次其韻鼎之

狄日天平驛書事

濟上夜泊寄杜秘校

經劍池

送春長句呈李恭伯

送潘華陽

微子廟

寺有四絕一曰靈巖予以赴官獲此稅鞅因賦

拙句用誌其行

贈商水連尉同年

次韻和訓張執秀才見寄

明水鎮水陸禪院

龍圖范給事以禪服向除修治瑩域就山築室

因尔書懷俾無擇繼和謹次用其韻

田四秘丞通判鎮戎軍

官况

哭鄆州孔給事二首

夏州叛

寄澶州孫司理

送孟湘虞部赴工闕

送劉進士遊邊

司年楊凡作尉棘道兼領勾稽之任賦七言四

韻詩以送之

宋嘉言雅善飛白一日書八字賦予因成長句

謝之

送韓尉員外

題魏野園

誚王安石乞分司西京避讒而去因以述懷

五言四韻詩四十二首

題三教圖通堂

馬上讀韓吏部集

至齊五月兩院獄空喜而成詠

眠後予清偶書四韻寄示幕中賓客

齋中即書事

羌先生廟

贈廬山崇勝珂長老

送承澤上人歸寧富涉

酬江西運使齊工部見寄

遊韶石

吏隱宜春郡詩十首

題紀信廟

昇州保寧寺鳳凰亭

畱題女郎臺

春郊即事

送李丞知京兆司錄

送宋寺丞通判邛州

秋日感懷

寄潁州兄

舟次張澤阻風

寄題漢州西湖兼簡知郡馬屯田

寄子乘劉殿丞求字人編

寄信安判官張秘校

泗水

沈康赴江西掾

張唐民下第東歸

送人作尉臨潼

書懷寄呈萊州張學士

萬太博知惠州

送新州陳式虞部

送蓮房與馬屯田

題安成劉伯玉日新亭

寄成都詩人謝希濤

第四卷

絕句詩二十六首

秋曉寓目

鴛鴦

後池新柳

歷城春日對酒

戲別申申堂

汴水即事

澄清閣

贈江州李虛一司戶

劉仙石二首

交代屯田遠惠書問紙尾批示若就江州至軍

兼可腹背游覽廬阜因成拙句且答佳意

將至南康道中

招二三僚友遊廬阜

遊栖賢

歌者李蘇蘇

過渦河

馬上口占

登泰山簡同行

又遊靈巖

次韻酬陳判官見貽

周咸職方笈臺

感事

題蔡州壺仙觀

聚為九老自詠

遊蔡州東湖

詠繭兒

第五卷

唱和詩一十五首

歐陽永叔送擇之赴陝府酌飲贈別

龍學次韻和

吳奎長文和

劉敞原父和

范鎮景仁和

江休復鄰幾和

梅堯臣聖俞和

龍學題袁州東湖盧肇石

范陵梅堯臣聖俞和

樂安任大中和

廣陵蕭亢宗和

盱江李泰伯題袁州東湖樂遊堂呈

龍學

又題袁州宜春臺再呈龍學

龍學和題東湖

又和題宜春臺

第六卷

唱和詩三十九首

題尚書余襄公西園

尚書余襄公謝 都運擇之見訪西園

題余尚書山居要術

尚書余襄公答 都運擇之借山居要術

袁州慶豐堂十閑詠十首

袁州通判陳旸和十首

江西運使閻珣謝擇之學士惠示吏隱宜春郡

十詩因成五十六言奉答

龍學和閻運使以詩見獎吏隱宜春郡詩

季泰伯送春絕句一首呈 龍學

龍學和

盱江李泰伯送春絕又二首寄呈 龍學

龍學和二首

龍學九日登袁州宜春臺

鄉貢進士直學宋攄和

鄉貢進士教諭羅誘和

詠震山巖彭徵君釣臺

通判陳旸和

京兆章友宜和

盱江李恭伯

第七卷

長書并記書一記九

上安撫張雜端書薦孫復牛仲容

蔡州新建學記

京東路轉運使廳名記

京東路轉運使廳刻獎諭勅記

申申堂記

知雄堂記

柳州學記

袁州慶豐堂記

唐韓文公廟記

袁州東湖記

第八卷

序七篇

刻經効方序

羣公送潘君秘校赴穎上詩序

河南穆公集序

李恭伯退居類藁序

連席秀才字序

進士魏舜元字序

題宜春臺詩序

第九卷

書并神道碑銘墓表祭文

與張郎中書

宋故贈尚書工部侍郎清河張君神道碑銘

宋故朝奉郎守司農少卿致仕累贈銀青光祿

大夫潁川陳君神道碑銘

鄭都官墓表

故鄆州孔給事祭文

第十卷

雜文

歐陽文忠公除吏部侍郎告詞

為病設醮青詞

進士策問三通

與盱江李恭伯五啟

謁袁州仰山廟祝文

祈雨祝文

謝雨祝文

秋祭祝文

春祭祝文

祭韓文公祝文

祭鄭都官祝文

鼎州桃源觀題名

堵田 仰山新廟題名

起知光州到任表

第十一卷

名臣賢士詩一十六首附

司馬溫公送 龍學守陝

梅聖俞再詠送 龍學赴陝府

王荆公和 龍學登紫微閣二首

梅聖俞送 龍學北使

司馬溫公晚春病起詩呈 龍學

朝議大夫上柱國致仕張徽聞 龍學平昔曾

遊穎州西湖有詩以寄之

張徽又送 龍學和寄黃元之即中詩

司馬溫公送 龍學分司西京御史臺

康節先生邵雍字堯夫和 龍學詩

邵康節又謝 龍學詩

又寄龍學詩

曹司勳詩呈恩府龍學

盱江李恭伯題袁州東湖呈龍學

再呈

李恭伯寄龍學

第十二卷

名臣賢士文九篇附

歐陽文忠公回荅龍學手書

歐陽文忠公又手書上龍學

王荆公手書上龍學求教

王荆公又手書回荅龍學

鄭內翰獬行應奉

山陵加食邑恩告詞

李恭伯寄龍學長篇

龍學修袁州學記

袁州教授童宗說字夢弼春祭

祖龍學

張尚書字定叟重修袁州州學舍萊祭

祖龍學

第十三卷

係家集

祖仙傳

楚山道人蘇覺尹道跋

洛陽王濯跋

祥符李平仲跋

河南席登跋

海陵查籥元章跋

宜都燕居軒莒山續感跋

高平范炳文跋

安陸連鑿題

東萊蔡武予跋

第十四卷

係家集

狀元紫微始末

起居舍人誥詞

紫微撰西齋話記

第十五卷

係家集

紫微撰翊衛雄勇功臣呼必顯告詞加食邑

紫微撰推忠協謀守正佐理功臣向文簡神道

碑銘

紫微撰文正李相魏國太夫人符氏墓誌

第十六卷

係家集

提刑始末

祖氏先塋芝草記

賜提刑勅書一十四件

提刑跋韓熙載夜宴圖

提刑子德恭詩三首

洛陽九老祖龍學

文集目錄

洛陽九老祖龍學

文集卷第一

古詩十一篇



書高辛氏廟

平昔叙星辰元功祀事分因人列官紀行道亞皇墳

高躅追顓頊徽轍歷放勛淳風今不競帝典世無聞

陵古森喬木祠新際遠氛樵蕪當季運血食屬明君

開寶六年勅建是廟 舊壤資庥遺黎薦苾苾春秋奏簫鼓疑

是六英文

依韻和登州推官張同年之梁山

峻極輒蒼々班移自混茫勢臨坤軸斷根入海濤殫

屹立踰千仞孤標冠四荒興雲山近泰出日谷連暘
絕墳于斯勝煩襟到此涼山經終寂、祀典謾煌、

山海經不載此山秦祠
八神五曰陽即此山也

巖黑驪龍睡煙清來鳳翔歲

書陋羣玉中瑟小空桑

空桑山村
中琴瑟

禹載無遺跡秦碑

有舊章乘輿曾直上鞭石宛居傍在昔初遷鼎當時

異省方縱心師誕妄恃力逞彊梁儒學微言絕神仙

惟說彰錫符尊德水留識著吾漿豈念思王度惟期

至帝鄉齋男何杳、秋祝自琅、詎得三山藥翻同

一國狂八神寧爾福二世果斯亡始禍聞陳涉遺書

見子長龍興成大定虎噬免攘往事真塗炭寒心劇

刺芒自從茲滅國誰復此祠陽冤毒疑淪髓凋殘競

沐瘡鑿宜觀夏后道合慕陶唐聖世踰三代明君掩

百王朝廷隆盛禮簡冊耀休光運契千齡統歌喧六

達莊古今稱治理夷夏共瞻望洪化周無外羣生洽

大康東民休望幸端拱德芬芳

暮秋江上逢端州朱使君詩以申餞

奕葉清蔡遠夫君素履恢人皆推世德我亦愛卿材

新命一麾守長途萬里來畫船江雨暗紅旆海風開

服嶺先聲決編昨美化談此行真邂逅幾日共公河

去矣瞻仙棹依然對酒杯前程如見意為寄早春梅

落星寺南康

金碧共玲瓏樓臺浩渺中
雨花僧講盛星石寺碁雄
巖岫廬峯對波瀾蠡澤通
微紅看海日遠綠認江楓
鷗鳥機心息潮音梵唱同
人間羣玉府寺有太宗皇帝御製御書
物外廣寒宮雲衲烝多壞
塵襟到自空扁舟五湖客
長此伴支公

瀑布廬山

絕巘千尋勢飛泉萬壘痕
寒光涵玉岫靈派析琤源
峭壁河流立蒼崖井浪翻
猿悲經樹急龍駭落潭渾
氣爽諸峯秀聲和衆籟喧
功成身退日期此灌中園

遊真陽石室

皇祐元年十一月丙申任廣東提刑日所作有石刻在英州

昔讀到難篇乃聞真陽室亦嘗惟斯人稱道或浮實
邈在數千里莫覲煙霞質青山有獨往吾志久已必
如何驂俗駕尚此紆朝紱謬分南顧憂惟刑在欽卹
孤宦雖云遠勝踐其敢失行行訪雲巖草樹披蒙密
呀然一穴開勢欲吞朝日嵐光屏障展乳潘龍蛇屈
溪流自清泚松韻何蕭瑟酌酒飲游客謂言此可述
周生誠不誣所紀窮纖悉惜哉非吾土無由寄蓬革
平生立心與道共湮鬱難進而易退終當守儒術

唐周夔作到唯謂此祠篇離長安遠故到者難也

景臣同年却兄作亭於公居之池上予登而名之曰夢草且賦詩以志焉

新御諱宗俯漣漪名標謝客詩
窻明溪雨過檻靜竹風吹
賀厦應容燕巢蓮亦許
龜何人倦漂泊此地好
追隨兀兀乘籃輦
歇歇倒接箇秋芳
正堪賞樽酒莫過時

題仰山二十韻

維南斗牛下萬仞聳崔嵬
日上光先占江盤勢却回
一方蒙雨露幾處對樓臺
不逐秦鞭去曾經禹載來
雲生峯慘澹水泮谷喧飀
險外煙嵐變深中洞府開

巖花春灼爍溪鳥暖迢迢
飛瀑含清籟乖龍走疾雷
平川蕭廟閔半腹鄧壇推
精蘊瑤瑰寶部鍾杞梓材
僧軒且薜荔樵徑怯莓苔
旁睨龍舟橋前瞻庾嶺梅
仙經饒地肺賦筆讓天台
神物多靈貺農田少旱災
隱居須獨行吟詠亦難才
何客能依止伊予語敢哉
一麾成繫滯四友阻遊陪
未脫紅塵累徒嗟白髮催
夢頻生枕席賞每倒尊壘
預恐瓜時代圖歸作醉媒

陳郡袁陟世弼奉和

客意正索寞詩筒江際來
一聞清玉韻如見翠屏開
磅礴霄漢外騰凌鸞鳳迴
仙源朝露蔽乳竇夜風飀

九月己冰霰三時無沴災徒均南畝澤應老鄧林持
岌岌聳天柱巖巖尊國台高名皆禍爾真賞豈然哉
紫蓋歆松蔓青錢點石苔神虬潛天矯皓鶴舞綈毳
采藥蓄芝朮尋花有杏梅丹臺今宵、蒼壁古兔兔
絕頂飛泉落半崖枯栢摧勢堪早蔣霍名不假劉雷
釋子安生計幽人足隱媒雲中認旛刹溪上醉觥罍
草戶方窮阮籃軒阻奉陪耳愁塵事入心怯歲華催
已作五噫詠元非三傑才先將丘壑意模寫寄春臺

途次金陵逢同年沈玉判官

數載天涯別年來不定居扁舟忽相值孤抱信何如
公幹猶多病述奉孝先仍懶書謂自人生從坎壈客意且
躊躇淡薄市橋酒鮮肥江岸魚可來同飲食勿笑此
蕭疎

沈遜奉和

一自曾經別于今嘆索居善交思柳惠多病是相如
官下頻無况天涯每得書舊懷長惋歎此會合踟躕
曉露生蘭苑秋風動鱸魚蕭然林野性與世轉為疎

洛陽九老祖龍學

文集卷第一

洛陽九老祖龍學
文集卷第二

洛陽九老祖龍學

文集卷第二

七言四韻詩四十四首

知

御製賞花釣魚

時為中書舍人

禁籞春深御幄開
鳴鞘曉出五雲來
花含瑞色三危露
酒湛晴光萬壽杯
香餌得魚波滉漾
仙音儀鳳日徘徊
微臣叨竊逢辰幸
持橐甘泉此從陪
九日陪舊參政蔡
侍郎宴潁州西湖
秋晚西湖勝槩多
台軒來此駐鳴珂
沙鷗散去鷺絲竹
煙柳低垂間綺羅
亂擲金錢和露菊
狂搖鈿扇倚

風荷下僚幸接曹尊末率爾翻成擊箸歌

讀王元之後集題于卷末

其集三卷皆出黃州後所作詩

提筆幾回書詰命剖符長是守方州未能抗表分司

去五開詩又題云何當終老為即謫官休歌舞嬾呼

寒食節寒食燕即客詩云歌舞嬾呼醉吟孤坐月波

樓月波樓詠詩獨酌詩云孤吟獨文章獨步成何事

太宗嘗曰王禹偁文章空有離騷寄隱憂

獨步異日禹名不朽章

公道當朝絕比倫因憑暖筆變孤根纔衝霰雪游梁

苑便逐風雷化禹門南郡已甘拋絳帳東州何幸佐

朱幡心懷象魏身江海兩地悠悠欲斷菟

歷城郡治凝波亭齊州

眈高宗廟諱俯清連山色波光曉共鮮形勝增雄齊

十二風流素盛客三千鋪舒柳影眠鷗渚欺壓蓮香

載妓船公退每來須度日塵纓未濯媿潺湲

留題泰山孫復先生新居

築室新成日觀前亂雲重疊稱高眠人逢捫蝨驚旁

若衆望乘駒詠賁然名理靜談誰捉麈古書間校自

磨鈎行聞天子東巡狩羽葆親臨此禮賢

試筆

濟南通守欲幾年最課無成媿古賢却為簿書拋筆
硯每思樵釣負林泉浮名自信雖徒爾薄俸相拘且
勉旃已共妻孥約生計會須搔首賦歸田

監丞蕭君見貽嘉句仍惠芳醪強率鄙詞輒繼
高韻聊資適爾深媿斐然

遲日和風婉婉春感時情思浩無津煩君遠寄中山
酒顧我方為洛社人濡筆便思題素扇當尊難惜吐
芳茵已欵才妙兼懷惠相遇文場願捧輪

寄泰山孫復即明復也

先生心與白雲閑五十秋風驥不斑自有清名滿天

下更無塵跡到人間朱金樂外非攸好貪懦聞風合
厚顏不待高吟見招隱見收餘俸買青山

蕭五監丞新作堂成名曰知雄且賦彫章題之
屋壁勉率蕪惡以繼高韻

汎堂佳號塵游外題壁新吟藻思春朴素自持師老
氏清醒常戒鑿靈均窮通一致由知命恬智相須合
入神因覽君詩我顏厚不能假日樂天真

贈牛仲容

吾君奸食念邊陲天下英雄待聘時仁義未行真處
士功名不立豈男兒卧龍誰識南陽隱失馬何勞北

叟悲生嘗來薦莫向林泉賦長往秋風吹子鬢毛衰

張寺丞鳴玉亭書事

為憐瀟洒近城闈來往何曾問主人列岫曉昏雲郁
郁流泉秋淨石粼粼陸機詩就伏招隱班固文成正
荅賓愁見西峯日將暮却驅羸馬入埃塵

庚辰清明州衙不送新火

禁煙故事存遺俗改火平時有舊章縱道齊民皆按
堵堪驚烜氏昧修方晨炊已絕供賓饌闕此一句

不似前年為客日富鄰猶許借餘光

赴任南康將經九江游二林先寄交代閔屯田

平生山水有心期今得軍麾慰所思我欲因行訪蓮
社君應未訝過瓜時若逢勝槩終朝住兼領閑僧到
處隨莫遣迎新吏人至雲間泉畔不相宜

送交代閔屯田赴闕

謝公雅尚廉侯政兼得如君不可加自有袴襦歌道
路長驅旌旆訪煙霞林僧解誦松牕句廳吏能封竹檻
花今日北轅堪健羨清風畱與後人誇君僧房留詩
公庭種花甚多

琵琶亭

晚泊湓江半客舟琵琶亭下動閑愁霓裳綠腰香何
許楓葉獲花空自秋賈傳有才悲鵬鳥楚騷終古怨

靈脩莫言司馬青衫濕今日行人亦涕流

南康春日

慙媿東風破臘來一尊清聖為君開無方可使朱顏
駐有客相逢白眼迴老大漸能知世態疎慵那復計
身媒遙憐伊洛冰應泮芳草還荒舊釣臺

簡寂觀

觀即陸修靜先生所居名即先生之諡号焉

順風曾屈帝王尊身後高名與觀存石室深居廣成
子布囊薄葬楊王孫流塵幕凝丹竈清吹徐觸
絳旂牢落空山門畫掩羽人亦說絕囂煩
梁沈旋碑云止煩由簡遠囂在寂即義表名也

右軍墨池

匡廬峯下歸宗寺曾是當年內史居繭紙世傳遺迹

後墨池人記作書初秋毫幾老崇山兔舊法空觀得

水魚筆勢圖云先取崇山絕句中兔毛八九月收之又用筆法云送脚似游魚得水合頭若景山興

也珍重僧家能好事朱闌碧甃壯庭除

清明日與二三賓客賞花陳判官為推勘他州

事不預是會以評抵予因次其韻酬之

寒食春光正好誇小筵應免負芳華清談且喜交揮

塵賭酒何須要盡蛇潑火雨餘微綠潤落花風急亂

紅斜幕中有客應惆悵今日全輸太守家

秋日天平驛書事

孤館無人慰寂寥感時情抱楚旌搖從橫著物秋聲起早晚連空殺氣消衰鬢已同潘騎省壯心猶羨霍嫖姚誓江義勇吾家事不得提戈靜虜妖

濟上夜泊寄杜秘教

十幅蒲帆一竹篙隨流逐浪我心勞幾程煙水秋光遠半夜星河天氣高正想黃陂何淼淼可憐禹瀆更滔滔猶欣明發諧相見願奉清言散鬱陶

經劔池

皇祐元年八月晦日題時以秘書丞為廣東提刑經過

巧冶何年百鍊金荆鐘芒刃此湮沉氣衝牛斗雖難

掩鑿遇張雷始見尋恍惚莫窮神物遠波瀾空在曲池深鈿刀也強思磨拭悵望西山與華陰

送春長句呈李泰伯時在袁州

盡日臨風把酒危宜春臺上送春歸已看綠樹陰靜猶有殘花帖帖飛歲月任從隨手過功名未必與心違我緣客宦無常處後會如今亦恐稀

送潘華陽

河陽苗裔有英翹年少聲名動帝朝月桂我欣同賜第澗松人借此沉僚金牛開道秦川險笮馬來賓漢使遙想到刀州遇知己便從平地上煙霄

微子廟

億兆夷人困獨夫惟君先見得良圖為仁始欲扶商
社去國終能啟宋都錢鏐豈甘因諫死髡鉗仍免作
官奴千年廟食庶無愧知退知亡即聖徒

寺有四絕一曰靈巖予以赴官獲此稅鞅因賦
拙句周誌其行

常想靈蹤得到難因回征轡此盤桓松風逗磬僧齋

冷石水環堂客夢寒聖作自同克典布寺有偃蓋松
白鶴泉及藏

太宗皇帝
御製御書古碑猶是魏朝刊最憐山色當樓好欲去

重來一凭闌

贈高水連尉同年

場屋相知最有情去年同試便同榮神仙名籍翰梅

福典冊文章滯馬卿泣玉淚收休積恨擲金詞在藹

新聲公卿好致歸臺閣莫遣徒勞浩嘆生

次韻和訓張執秀才見寄

傾蓋相知分不同遠憑郵置枉緘封題評祇益煩更

品刻畫何曾補陋容絲服侍行君得意朱轡假守我

勞悰予方權
領郡事論文未遂西齋約早晚重親太携鋒

明水鎮水陸禪院

誰卜精藍若盡屏四邊山色與泉聲野僧慣見心塵

樂俗客偷來骨亦清
晚吹乍回香篆破
晚雲纔散蠟燈明
吏人莫恠徘徊久
自得閑情減宦情

龍圖范給事以禪服向除
修治瑩域就山築室
因爾書懷俾無擇繼和
謹次用其韻

采之陝蘭負養親
幾思定省泣晨昏
三年已畢先王制
晝日將承聖主恩
名遂自同周柱史
諫違誰記魯臧孫
考槃在澗雖云樂
祇恐泥書到遠村

田四秘丞通判鎮戎軍

身紆茜綬朝章貴
手把芝函帝命新
方朔上書曾自薦
初奚外舉果知人
公前年應運籌決勝科今為侍讀李侍郎保任被召試策入等

遂領此命駐西北用兵
運籌暫逐征西將
持橐看歸拱北辰
我

亦潛心禦戎策
羨君抗旆擁朱輪

官况

物態無端固盡諳
自為俗吏欠清譚
豈憂官况全蕭索
祇畏人言足二三
玉勒已辜尋曉陌
錦鱗猶憶釣秋潭
公餘自遂疎慵性
從道嵇康亡不堪

歿鄆州孔給事二首

出入多年侍紫宸
封章頻上觸龍鱗
杼投幾見疑慈母
檻折終聞記直臣
闕里忽驚歌曳杖
洛陽那復見埋輪
師門一慟盈襟淚
痛為明時惜正人

聖孫家世嗣衣纓夫子當朝有令名許國志堅存亮
直致君心切贊隆平明庭抗疏忠言在列郡班條惠
化行不享永年兼大用終天遺恨負蒼生

夏州叛

羌虜奸誅軫聖憂出師十萬擁貔貅朝廷命將詩書
府廊廟論兵帷幄籌舜后舜干期振旅漢臣投筆待
封侯宣王六月存周雅願斷徽轂頌國猷

寄澶州孫司理

明道二年同夏課四人兩舉盡登科孤寒惟子辛勤
甚虛薄伊余忝竊多宦路驅馳今各自名場出處舊

相遇感今懷舊無慘賴不覺臨風發浩歌

送孟湘虞部赴

關

科名拾芥職三虞落落一雄才與衆殊為政人驚今遂
霸論兵自比古孫吳倚廬已見因心著公近居先大
夫結綬還陪辨色趨不似馮唐空白首漢皇今正渴
嘉謨

送劉進士遊邊

朔風動地雪花明去々從知指戍城場藿夫縻千里
驥食魚翻嗜五侯鯖狂途望斷河冰合旅館吟殘海
月生且共淹留話離索一尊濁酒為君傾

同年楊兄作尉楚道兼領勾稽之任賦亡言四韻詩以送之

縣城荒僻民居少吏事全稀似隱淪且喜桑郊接鄉
樹莫嗟藍綬染京塵鸞姿豈合淹仇覽仙骨應難滯
子真好在公餘頻寄問我方江上學垂綸

宋嘉言雅善飛白一日書八字既予因成長句謝之

輕如游霧重如雲學到精微妙入神奇迹昔年傳聖
帚高名他日壓烏巾誇呈朋友防求副畱教兒孫恐
失真天子清閒好揮翰似君須合侍嚴宸

送韓尉負外

幾年獻賦向公車四十方為冉冉趨昔競寸陰終躡
蹠今貧斗粟尚踟躕潘郎毛鬢看將白陶令田園說
已蕪官滿還歸省門下預應搔首重長吁

題魏野園陝府

曉日東郊扣隱扉曠々初日弄朱旗黃梢風舞先生
柳紫頰霜殷鳥閑切赤黑色也大谷梨粉艷清歌穿

邃閣碧溪寒韻落幽池我來載酒山翁醉且喜秋香
菊滿籬

謂王安石乞分司西京避讒而去因以述懷

割斷攀緣宰相權憂危爭似我身全
試觀竿上拋生體且擬波中戲釣船
名利不求還獨樂是非莫辯祇高眠
何當對景幽堂坐更得閑吟度百年

洛陽九老祖龍學

文集卷第二

洛陽九老祖龍學

文集卷第三

五言四韻詩四十二首

題三教圓通堂

其堂在蔡州開元寺內龍學時知制誥

師本佛之徒潛心老與儒一堂何所像
三教此為俱香火長相續丹青久不渝
高賢旌好事二記聳龜趺馬
上讀韓吏部集

驅羸勸遠征尺筮亦慵擊却得閑編看
仍教縱轡行儒推文暢行詩許孟郊鳴
盡日耽遺味渾如挹大羹至齊五月兩
院獄空喜而成詠

厭預鈴齋議欣聞獄犴空三章用舊制
五月紹遺風

止繫垂衣治非干別駕功惟期四海內刑厝與周同
眠役于清偶書四韻寄示幕中賓客

經旬一水湄風土化緇衣豈敢嗟于役何當賦式微
雲山晴特秀花木暖相輝期子同携手春游事勿違
齋中即書事 南事

軍壘無多事朝晡且放衙吏人如野鹿公署似僧家
京信因求藥賓懽為鬪茶忘懷塵俗外枕籍祇南華

羌先生廟

先生高世跡舊隱白雲深結宇知何代遺祠直至今
地分壇杏影門接社蓮陰我亦希風者終朝託玉岑

贈廬山崇勝珂長老

珂也僧中秀曹溪得祖衣雲泉聊適性餅錫遂忘歸
九月初風老千山暮雨霏我來陪靜話相對兩無機
送承澤上人歸寧富沙

五老峯前見過送一歲餘還將隨客棹歸去侍親輿
乞食江雲際牽吟臘雪初祇應清夜夢時復到羌廬
酬江西運使齊工部見寄

龍坂彌年別長茲仰道風夢曾瞻使節喜忽得詩筒
詞藻春林秀恩私地鎮崇因將示知者傳誦滿江東

游韶石

純音何寂寞秀色自崔嵬巖草遺簫在溪禽學鳳來
余希探禹穴人似畏軒臺登眺秋風裏煩襟盡日開

吏隱宜春郡詩十首

以太常博士直書賢院皇祐五年知袁州

其一

吏隱宜春郡年豐獄訟稀餘糧委南畝茂草滿園扉
天意憐艱食民心恥盡衣萬家行樂處車馬有光輝

其二

吏隱宜春郡溪山若畫圖纖鱗時自躍幽鳥靜相呼
曉浪噴寒雨晴嵐鑠綠蕪漁樵本吾事搔首重踟躕

其三

吏隱宜春郡追惟二相賢

房瑄李德裕

節明天寶日業茂

會昌年友善曾何累朋誣亦自煎

瑄坐與李適之章堅等善貶宜春太

守德裕為王璠李漢等所誣以為宜春長吏

不才非不幸異代若差肩

其四

吏隱宜春郡閑思庶舉時端居若貧賤徒步入京師
誤寵乘軒鶴鈞憂入廟犧功名在何許雙鬢已垂絲

其五

吏隱宜春郡鄉園去路賒問關成客宦荏苒度年華
出水魚吞餌辭山鳳在笈誰言千里隔夜、夢吾家

其六

吏隱宜春郡同僚得俊髦純音等疏越餘刃劇豪曹
器識青雲遠歌詞白雪高遂令遷客意不復賦離騷

其七

吏隱宜春郡山城少客過靜中窺物理閑外養天和
春暖尋花塢宵涼翫月波將迎者誰子勞逸兩如何

其八

吏隱宜春郡放懷詩酒間未能慙下俚幾欲效中山
杜甫藩籬窄元稹論杜牧之優劣大李尚不能歷其藩籬况堂與乎劉伶幕帝
慳高吟與沉醉榮辱詎相關

其九

吏隱宜春郡窮通嬾更占矜名遭巧譖晦跡喜深潛
昔慕狂為聖今師智養恬優游無一事不覺歲時淹

其十

吏隱宜春郡素飡誠有餘政聲慙逐霸文藻謝嚴徐
使節分銅虎仙廬秘石渠君恩殊未報不敢治歸歟

題紀信廟

漢祖臨危日將軍獨奪功一身雖是詐萬古盡言忠
樹老風聲澀天寒景色空我來觀廟貌無語對村翁

昇州保寧寺鳳凰亭

臺舊有亭中廢已久今長老承泰建此

鳳臺雖舊址亭榭新開荆棘榛燕去江山氣象來

明君虞氏化賢守次公才逢爾離丹穴飛、止此臺
時龍圖葉起
居鎮金陵

留題女郎臺

女郎臺上寺、影蘸湖光夜梵星辰近晨齋鳥雀忙
煙滋楊柳綠風逞芰荷香欲下還慵去憑闌到夕陽
春郊即事

東方驅曉騎南畝勸春耕試與牧童語因知林鳥名
雨前茶正小社後酒猶清可笑豚蹄祝簪車望豈輕

送李永知京兆司錄

纔從知己薦公近以知己
慰薦改官

又應辟書行

今知府天章
孫待制辟公

領是任廷尉官聯重軍謀職任清華嚴春野秀紫閣晚
峯橫盡是供吟處歸應新集成

送宋寺丞通判邛州

半刺侯藩重臨邛驛路賒將經灞陵樹先看洛陽花
土物張騫竹民封卓氏家為君傷遠目日日斷裛斜

秋日感懷

多病多愁客新秋百感生異鄉違土性孤宦見人情
案厭畱燈讀田思帶雨耕不堪臨曉鑑潘鬢二毛成

寄潁州兄

川陸一千里炎涼六十旬意通書信少思入夢魂頻

身外宦情薄眼前人事新
祝兄無見念憂道不憂貧
舟次張澤阻風

舟楫雖佳興風波即畏途
我心何所懼世路此無殊
銜尾千艘泊爭頭萬恠趨
颺然不終日揮手謝淳滂

寄題漢州西湖兼簡知郡馬屯田

房相留遺愛清風湖水長
人思浴池鳳誰識濟川航
白雪徽音遠太尉善於彈琴
洪鈞道化光還聞繼高躅
新有

召公棠

寄子乘劉殿丞求字人編

子乘劉夫子高名繼謫仙
從居庇身邑已著字人編

才入鍾嶸品文期鄭氏箋
何當求副本長願播匏弦

寄信安判官張秘校

蓮幕從軍客蓬仙典校人才章
過鮑謝交契敵雷陳
婉、謀畫暇翮、書問頻徒知感
高義猶阻奉清塵

泗水

紀地復涵虛清疑顛氣俱東
家遺教遠夏后建功殊
冷色平吞魯長波迴勝吳闕二句

沈康赴江西掾

高譽冠時英人皆倒屣迎
決科材尚屈掌獄職仍輕
滕閣吟登健吳山醉望清
公餘如訪古一為問豐城

張唐民下第東歸

學古功非淺，干時命尚遲。
拾青辜壯志，垂白念慈親。
歸路天同遠，生涯世自貧。
吾知君道闕。

送人作尉臨潼

年少文能老，新曾射策來。
從橫傳古學，慷慨濟時才。
黃綬官徒爾，青雲志在哉。
他年歸會課，遲子出塵埃。

書懷寄呈萊州張學士

從作東齊吏，經年寡往來。
來顏隨日減，青眼為山開。
學政慙能政，論材信不材。
何人慰孤寂，知己在蓬萊。

累辱書問兼
既詩筆故云

萬太博知惠州

惠州君未到，聽我送君吟。
去路九韶石，鄰封八桂林。
下車秋色老，望闕海雲深。
善政多餘暇，無忘惠好音。

送新州陳式虞部

大庾嶺南郡，新興事若何。
還珠合浦近，辟惡密香多。
主聖天如覆，時平海不波。
更逢賢太守，應有袴襦歌。

送蓮房與馬屯田

問遺不必貴，要之資闕如。
蓮房三百枚，采掇亦云初。
持以侑尊酒，甘香即有餘。
野老獻芹意，今予其有諸。

題安成劉伯玉日新亭

積善家餘慶日新亭可云詩書盈几有道藝喜時聞
兒姪既登學晨昏在克勤欲知榮地力此便是青雲
問寄成都詩人謝希濤
常聞游蜀客來說謝希濤氣稟江山秀名因翰墨高
新詩來自遠去歲得詩三十首密意念空勞拙句聊相贈
煩報錯刀

洛陽九老祖龍學

文集卷第三

洛陽九老祖龍學

文集卷第四

絕句詩二十六首

伏曉寓目

梧桐冷墜秦宮井沆瀣光浮漢苑槃倚杵遠天垂六
幕照梁初日上三竿

鴛鴦

水宿雲飛無定期雄雌兩兩鎮相隨到頭不會天何
意却使人生有別離

後池新柳

客來莫怪寡心情俗吏喧嘩不喜聽多感後池楊柳

眼一回相對一回青

歷城春日對酒

數尺游絲拂面來
數枝紅杏向人開
眼前信美非吾土
且勸春風酒一杯

戲別申申堂

翠柳和煙籠碧沼
紅芳如火照諸鄰
主公欲去寧無戀
倚翠隈紅屬後人

汴水即事

波狂如箭雨如絲
汎汎扁舟瞥鳥飛
睡起謳鷓乍鳴櫓
却思村舍聽鄰機

澄清閣在楚州

范滂雅志在澄清
今日廉車命閣名
華榜高標雖其美
柰何長是困蒼生

贈江州李虛一司戶

官况蕭條三語掾
地居卑濕九江城
曾聞室夜開宣室
早晚君王召賈生

劉儂石在江州太平興國觀

神僊不死石長存
萬古千秋表洞門
人欲求真好修練
莫徒將杖叩苔痕

又

支機莫問君平肆取履誰修黃石祠深洞自開人不見何須惆悵憶當時

交代屯田遠惠書問紙尾批示若就江州至軍兼可腹背游覽廬阜因成拙句且答佳意

廬山在境好行春猶恨竒峯半屬鄰腹背徧游煩示諭即當先謁樂天真

將至南康道中

湓江輟棹整驂駢松路揚鞭入翠微好是近郊人候望紛々羽服與田衣

招二三僚友游廬阜

雨餘廬阜連天碧公退鈴齋盡日閑為報二三佳客道速須躡屐共登山

遊栖賢

偷得沉迷簿領身暫來林下訪幽人雲泉滿眼慵歸去便擬拋官學隱淪

歌者李蘇蘇齊州

歌妙累々若貫珠歷城惟祇數蘇々何當更唱陽春曲為爾今宵倒玉壺

過渦河

楊鞭策羸馬橋上一裴回欲擬臨渦賦慙無八斗才

昔曹子建臨渴
作賦書于鞭上

馬上口占

前年躡屩念歸歟今日乘軒類使乎千里班春憂寄
重自慙翻屬箇非夫

登泰山簡同行

日日塵中眼不開暫登蒼翠喜游陪莫辭辛苦經難
險大有人生不到來

又游靈巖

紅塵滿馬三回到青嶂迎人萬疊開却被野僧相顧
笑區區還是舊時來

次韻酬陳判官見貽

一篇為惠枉瑤封疑得僊文自禁宮始信夫君才力

大居然天地入形籠

陸機文賦六籠
天地于形內

周成職方笈臺

賈生太息唐衢哭感事傷時可柰何爭似君當堯舜
日臺頭大笑樂天和

感事

東家木鐸德音遠西竺金人像教來禮樂不興王道
絕吾民何日遂康哉

題蔡州壺僊觀

龍學四月八日遊蔡人每歲于
是日來集此歡賞遊散其觀在

城北十里許有仙榆
數十株亦名大木觀

鷲老花殘過禁煙杖藜閒步到壺僊
僊家本是無塵地別有風光一洞天

費長房懸壺之地

聚為九老自詠

龍學因分司西京御史臺與司馬溫公九人
為真率會謂之九老

科名高厭玉階前歷任公卿四十年休道老夫無事

業兩扶紅日上青天

英宗皇帝即位龍學充皇帝即

皇帝即位是時龍學為開封府大尹

題蔡州東湖

夕陽水底霞鋪錦清夜波心月湧金此是東湖最佳

處無人來伴水僊吟

詠繭兒

千絲萬縷自經營本為藏身却誤身待得巧成歸鼎
鑊不知輕煖屬他人

洛陽九老祖龍學

文集卷第四

洛陽九老祖龍學

文集卷第五

唱和詩一十五首

歐陽脩永叔送

龍學赴陝府酌飲贈別

明日君當千里行今朝始共一樽酒豈惟明日難重
持試思此會何嘗有京師九衢十二門車馬煌煌事
奔走花開誰得屢相遇盞到莫辭頻舉手歡情冥落
酒量減置我不須論老朽柰何公等氣方豪雲夢正
當吞八九擇之聲名重當世也多奇晚方偶西州
政事藹風謠右掖文章煥星斗待君歸日我何為手

把鋤犁汝陰叟

龍學次韻和

前日西行別翰林為我開尊飲之酒高冠滿坐皆賢
豪談笑喧呼時各有自慙流落疏游陪十載江湖成
浪走主人名重聞四夷典冊高文推大手發揮六藝
無遺精攷點百家如拉朽顧我昏冥聞道晚代謝春
秋四十九當年擊節傲金注此日強顏同木偶事功
未省成寸尺廩祿惟思校升斗會須歸去老東陂鼓
腹含飴逐堯叟

吳奎長文和

陝郡太守來告別翰林主人為置酒急喚尋常詩酒
伴要誇此會為難有席間騁辯何快哉恰似縱九臨
坂走詆諧往々笑絕倒同異時々瞋掉手共憐竒偉
出塵冥却欲昏愚浪枯朽從來豪舉必兼色擊節齊
侯容九九我實鄙鈍不曉事賢公采取寧非偶擇之
文行衆所珍昔日乘槎犯牛斗年將老矣又分符莫
遣安排用莊叟

劉敞原父和

驪駒在門且勿喧主人留客姑進酒一時轉眄已陳
跡千里相望更何有祖侯黻名二十年天下英豪共

奔走誰云白髮寄
即曹更喜朱轡入
吾手楊雄天祿
就寂寞召伯甘棠
變枯朽乃知人事
不如意自古十
常有八九男兒何
曾計出處時運由
來有奇偶莫嫌
青雲晚着鞭會取
黃金大如斗君能
日飲和天倪餘
事無何付北叟

范鎮景仁和

史君分陝惜別難
緩聽長吟速行酒
荆山北面黃河
南千里封疆為已
有往來無窮西復
東來一輪蹄利
名走甘棠雖云勿
剪伐未必從前不
傷手當時遺愛
安在哉賴有聲詩
傳不朽擇之才刃
如新研歷年何

啻十有九胃中蘊
蓄富術業此行直
欲古人偶近世
只知厨傳為不顧
虛名似箕斗寄言
道路如采詩但
問樵夫與田叟

江休復鄰幾和

西掖門外駐征軒
修書院中傾別酒
諸公磊落方具
來顧我衰遲亦何
有祖侯銜使才北
歸亟請甘棠復
西走函閔候吏齊
引領翰林主人惜
分手高談抵掌
華屋頭賦詠題詩
樂難朽飛觴舉白
至無筭擊楫誓
清不殮九着鞭壯
士寧後時隱几先
生仍棗偶擇之
去冬
悼定國能飲動論
石山公雅望潛增
斗紛一醉袂影

就判悒悵高陽一狂叟

梅堯臣聖俞和

古人相送贈以言今人相送舉以酒
疎酒罷躊躇悲更有行當何之來者誰
陝州兵吏爭迎走壺漿往
過函關翰林惜別方携手自言老夫
遇知難願得公詩為不朽公因索筆作
長謠落寓言誠十九我慙竹管厠宮懸
縱合律度應亦偶太守西行已不貧忽
獲明珠盈大斗歸立螭頭未是遲暫向
棠陰問道叟

龍學題袁州東湖盧肇石

袁山之陽秀水側草覆遺基誰氏宅
皆云子發其姓盧往以文章名籍
宅中舊物何所存惟有嶙峋一
區石閣纔三尺高倍尋丈卧塵沙
羣瓦礫余心好異因獨往下馬環
觀聊拂拭地表可見十二三已足恠
駭動魂魄呼工運挿壑其旁挽以長
絙百夫力雜然鼓譟登大車恍爾如
蒙巨靈擘選置東湖最佳處四面澄
波映天碧倚空突兀無與隣頓覺亭
臺增氣色鬱環幽竇莫敢揮恐有乖
龍飛霹靂余嘗南游到陽朔衆峯轟
轟春筍植捫蘿踏蘚窮之遍若此竒
卓魯未識郡人奔走來如雲故老驚
視復啣乃言此石

遇真賞屈指于今年二百沉埋曠代誰爾珍一日光
價逾荆璧嗟余束髮大夫後區區志尚惟孤直十年
再謫非不窮猶慕堅純無改易如何故老不我愚感
物再三形嘆息石不能言人有言勿使他時重湮阨

宛陵梅堯臣聖俞和都官郎中

胡公疎示擇之盧石詩因知之

袁州太守蓬山客來過盧家尋恠石盧家百物今已
空唯石難移留舊蹟埋沒尚存三四分雨淋日炙如
皴散太守惻然呼健兒荷鋤秉挿爭來役健兒掘土
不為堅旋剝沙見圭隙漸竒異人忘勞更索更深

知幾尺高峯削出高華骨虛竅鑿破蛟螭額千指曳
繩亞四輪擊鼓助力歸東陌東陌東頭湖水傍黃渥
洗盡句蒼碧故宅愈冷東湖喧貴賤競觀無礙隔太
守自憐堅直心愛少憎多屢遭謫南至蒼梧及桂林
名山徧訪無窮僻所宜厭慣不入眼向此歌吟尤愛
惜我思永叔滁陽時大誇古翠菱溪獲作詩遠寄子
與蘇高唱相隨無節拍今知賢人趣向同玩好託情
亡俗格建康從事胡公疎一見說君如李白雄才落
筆瀉天河綴韻孤清仍險窄八探虎穴誰為難辭通
造化方能敵殿後吾雖膽力強獨鞭疲馬終無益

樂安任大中和

宜陽刺史才祖擇之雄傑大旱雨一方盡使焦枯活
公退趣尚深水石探其絕長江北岸林唐有盧子發
曾居此林下高把簪組脫歲遠成荒墟佳名詎泯沒
有石數尺長猶是舊時物沉辱泥塗久實有堅重節
擇之渡水見力為心慘切萬夫一呼聚撓動雷聲揭
地嶮若驅來巖谷俱震裂幽輔郡東湖脫得太華骨
白玉漏纖紋雨頻為溲刷草蔓漸盤遶柳絲密揮拂
潤恐欲迸泉恠亦有與穴安知無蟄龍時見微雲出
幾因牽夜吟簾曉捲殘月氣暗逼人寒蒙籠未苦別

煙重風掃開獨立勢突兀蘇武見單于傲睨腰不折
人皆盡將歸手筆恨羸拙擇之豈不賢天涯避讒舌
對此憂足忘我觀未甚悅不得見媧皇願天無破缺

廣陵蕭元宗和

石是人非世所傳宜陽城郭古山川和光瓦礫曾無
累委質泥沙積有年地僻久為神物護時來方遇使
君賢介然佐鎮東湖上德政何當向此鐫
盱江李恭伯題袁州東湖樂游堂呈

龍學

古郡城池已枕江重湖更在郡東方水仙座下魚鱗

赤龍女門前橋樹香路絕塵埃非洒掃地無風雨亦
清涼使君待客多娛樂只有醒時覺異鄉

又題袁州宜春臺再呈

龍學

謫官誰住小蓬萊惟有宜春有古臺千里待看毫末
去萬家攢作畫圖來雲中羅綺香風落月底笙歌醉
夢回莫怪江山若相助騷人沒後得真才

龍學和題東湖

晴煙幕歷澹湖光勢勝居然占一方拂水萬絲楊柳
弱倚風千蓋芰荷香縱遊閑泛蘭舟穩半醉狂眠石

席涼公退每來須度日却疑身出利名鄉

又和題宜春臺

異鄉何處散幽懷賴得城中百尺臺還向天濤經歲
住那知春色為誰來雪消江上看梅發風暖衡陽有
鴈回強擬登高聊賦詠再三媿乏楚人才

洛陽九老祖龍學

文集卷第五

洛陽九老祖龍學

文集卷第六

唱和詩三十九首

題尚書余襄公西園

尚書余靖在韶州居龍學時為廣南東路轉運使

臺閣清風正凜然歸休車騎曲江邊及親已具三牲
養負郭新添二頃田萊子長年榮綵服衛公雅意樂
平泉官閒道在心無悶惟惜光陰事簡編

尚書余襄公靖謝

都運擇之見訪西園

初聞結駟訪幽齋拂曙呼僮掃綠苔方媿蓬蒿開徑
晚已驚駟馭過江來林間載酒情偏原門外回舟事

可昭交泰于今易離合感君篤舊重徘徊

題余尚書山居要術

張衡已作歸田賦况勝仍修種樹書願借山居精要術欲將嵩洛葺吾廬

尚書余襄公答

都運擇之借山居要術

經濟談周當世務收藏敢秘老農書相逢莫羨山居好歸去蓬山有直廬

袁州慶豐堂十閑詠

皇祐五年十月二十一日

其一

吏散鈴齋掩閑眠到日斜無端是春夢容易繞京華

其二

鄭聲良可厭閒抱七絲琴欲識調絃意理人先理心

其三

年長身多病閑鈔已試方未甘先犬馬畢命報恩光

其四

青山日相對閑看白雲生誰謂無心出中含濟物情

其五

曉按三杯後閑烹北苑茶色香俱絕品雪泛滿甌花

其六

偏舟賓客少閑作道家裝跡靜心還靜逍遙覺日長

其七

雨齋輕埃息閑吟面曲池遊鱗時對擲雙破碧連漪

其八

朝來因試筆閑答故交書莫恠音塵絕吾心與世疎

其九

漸老無功業閑思惜壯年桑榆如有得猶可勒燕然

其十

晴軒足清趣閑與鶴開籠寄語北山侶無驚蕙帳空

袁州通判陳詵和十首

其一

時豐公事少筆硯任橫斜環郭江山秀人情等物華

其二

有象堦前景無聲膝上琴何勞分鄭衛視聽不關心

其三

窮谷寓形久慚無問俗方文章古刺史謂韓愈今昔竊

餘光

其四

穢草誅還密浮萍去又生輒污如鑑靜有客若為情

其五

秀泉開舊甃初試仰山茶寂々有餘意池蓮三五花

園涉日成趣窮詩嬾綴裝梁間冰雪句屈指歲華長

其七
洗竹遙山出疏泉到曲池可憐波萬頃
龍勉對淪漪

其八
道院今猶古閑中事可書鷺鷗馴不去誰可得親疎

其九
登堂方再月已許慶豐年偶繼前賢跡承流頗裕然

其十
鴻鵠遠矰弋魚鳥脫池籠始覺一無物方知萬事空

江西運使閻珣謝
擇之學士惠示吏隱宜春郡十詩因成五十六

言奉答
達觀終知世事勞利名都是一鴻毛登瀛自有仙遊

樂緩帶何妨吏隱高深意庇民濟富壽正辭華國聳

英髦搏風九萬期鵬翼且傲松軒弄彩毫
龍學和閻運使以詩見獎吏隱宜春郡詩

狂吟何足話風騷和寡甘降郢唱高敢望與言同子
夏競推多可似山濤九成豈後虞韶美一字終虛魯

史褒自笑潢汗不盈尺猶將學海去滔今李泰伯送春絕句一首呈

龍學時在表州

宜春臺上送春歸淚滴金盃不自知懊惱黃鶯解言語飛來唯見落花枝

龍學和

九十日春今日盡送春何況我偏知後期應在經殘臘重探梅開雪裏枝

肝江李泰伯送春絕句二首寄呈

龍學

泰伯建昌人也時在建昌

去年春盡在宜春醉送東風淚滿巾今日春歸倍惆悵相逢不是去年人

又

東君此去幾時來雪裏梅根待暖迴莫似仙家寥落甚蟠桃千歲始重開

龍學和

憶時相逢甲午年與君同賦送春篇等閑又見春風老更捧新吟一惘然

又和

萬樹紅芳落漸稀浮榮能得幾多時孤根未識陽和

力春去春來兩不知

龍學九日登袁州宜春臺

落帽佳辰又到來
黃花爛熳為誰開
已經多歲衰容
改更被無情急景催
取次盃盤須盡醉
隨宜歌管任
頻陪却慚未報君恩厚
空向山城養不才

是日招郡庠職事同登宜春臺兼賦詩鄉貢進士

六直學宋攄和

登高佳節喜重來
會客依隨五馬開
帽落秋風隨意
適盃迎露菊趨時催
東籬幸有主人席
絳帳那逢上
客陪時李泰伯預也欲報君恩話歸去
不妨尊酒論文才

鄉貢進士教諭羅誘和

九日經年一再來
不妨吏隱遣懷開
時豐訟少欣多
暇秋晚花黃儘任催
幸遇登高賢燕樂
喜容落帽變
追陪預愁詔入三公去
芹泮誰思樂育才

詠震山巖彭徵君釣臺

彭名銜雲宜春人力學多通尤善講易陰陽
圖緯無不精究注通元真經辭理深遠世
所推重隱居不求聞達唐天寶中刺史李
璟以其名聞上遣使者齊延丘以蒲輪徵
之凡二往始至玄宗欲官之徵君辭焉堅

乞歸鄉上元元年六月卒年六十三葬東
原有釣臺在震山之前
本朝皇祐五年九月二十日休暇
龍學與郡僚遊震山巖因以詠之
震山離州東十里釣臺本一巨石
紹興己未季春雷轟石斷

閑作山城吏隱居
敬君真逸寓漁磯
臺前巖畔清風在
尚想煙波映芟衣

通判陳侁和

東有微君真逸居
有臺可釣傍漁磯
志高不在魚并

餌曰笑滎陽
血染衣

京兆章友直和

巖因更號震山居
臺上猶存舊釣磯
一派滄浪真隱處
澄清尚可濯塵衣

盱江李恭伯和

此臺幽隱傍溪居
小小嚴陵一釣磯
天寶詔雖搜逸切
辭官歸服芟荷衣

洛陽九老祖龍學

文集卷第六

長書并記 書一記九

洛陽九老祖龍學

文集卷第七

長書并記 書一記九

上安撫張雜端書薦孫復牛仲容

初任齊州通判居官十有

一月作此書

九月十三日承奉郎守大理評事通判齊州軍州兼管內河堤勸農事偕緋祖無擇謹傾竭愚虞撰書再拜獻于安撫雜端執事無擇竊謂國家修戎備設民兵雖我朝之新制實前代之遺法若郡若縣其守宰之才者皆足集事今國家擇賢於臺省以為安撫者非直為修戎備設民兵振其綱目而已蓋將以察官

吏之能否詢民事之利病然后絀陟而更化之也伏
惟執事巡按京東一路自宋及齊歷州一十有一矣
歷縣約五七十餘矣其民蓋幾百萬家矣某吏能某
吏否執事固知之矣某事利某事執事亦固知之矣
無擇誠愚而復齷齪奉所事且不能知其能否者其
利病者實無以告執事者今無擇所知者有二人焉
是皆方寸而無位一居究之奉符一居齊之章丘彼
二人者常舉進士不幸為有司所擯於是乎自放於
山林間奉符者曰孫復字明復章丘者曰牛仲容字
元包孫復博學敏行有古人風慕孟軻楊雄氏著書

牛仲容博學敏行與孫復比善用兵如古所謂孫武
吳起者觀厥二人之才非今之組繡文字以為進士
者未審執事以無擇之言信邪待羽其二人之學之
行而從信邪執事苟求之不惟信夫二人之學之行
又將信無擇之言也執事既信之必將行之將行之
即當請于天子曰孫復有道者可與之官賜之祿以
養於家且旌夫賢曰牛仲容有道者可與之官假之
權以臨其戎且伸其用旌夫賢足以厚風俗伸其用
足以威夷秋風俗歸厚則王化有成矣夷狄畏威則
王師無征矣是進二人而王道其矣執事儻一言而

天子從則幸其不從再言之又不從則重言之至于
四五六七言之惟從而後已為可也茲二人者無擇
目識而心知者也若執事所廵按未至數州或有如
孫復牛仲容之賢更冀執事留意而博訪之嚮者執
事為京東轉運無擇蒙被恩顧實暴傳等今執事安
撫京東無擇再獲望拜旌旆心甚喜抃是敢輒稱彼
二人之名于左右以備歸朝日為天子諮詢之資不
宣無擇僭越皇恐頓首

蔡州新建學記 未第時

孔子生中國中國之人帥其教者十一二佛生西方

中國之人帥其教者十八九四海之內華面而夷心
寢以成俗者于今百世而况都邑村落之下橫衣髡
首之伍所居如市至使庶民終身不知君臣之義父
子之愛師友之禮待其悖逆淫亂之禍生然後寘于
刑戮是王道往々而絕也嗚呼不教而殺君子所不
為也三代之民驩然以孝悌相養以禮義相守非家
至而日見之也學校之化行乎州里也兩漢以降或
張或弛何常之有化之不常則民之所守不固所守
不固則去而為佛去而為佛則君雖有政不得臣而
使父雖有慈不得子而畜師雖有教不得友而接欲

其如三代之盛其可得邪今尚書祠部郎中集賢校
理太原王公質以清才卓識為上器使來長蔡人為
此蔡人作新學于孔子廟近市而陋地且甚狹遷之
乃表請即治前官舍居焉突然而高者為之講堂次
後如講堂者師所仰息翼然而夾于兩旁者生徒列
室而處之又有序以習射有庫以藏書有厨以具饌
有莊以出粟有圃以樹蔬有什物以備用有耕牛以
墾田使居是學者有求而足也且命軍事推官楚泰
汝陽縣主簿劉丙掌其局事既成公親領僚屬與其
生徒落之蔡人於是知孔子之教非西方佛類皆欲

澡刷前日所為夷狄行靡然胥日鄉莫不悅懌辱在
學徒乃率其眾拜公之賜遂以是辭刻于石用識所
始其生徒書史屋宇什物莊牛之數籍于學者悉第
列于石陰云時景祐二年秋九月日謹記

京東路轉運使廳名記

昔者西漢漕山東之粟歲數十萬碩厥後又益數百
萬碩以給乎中都故太倉之積相因而紅腐者繇此
也今王京之東海岱之間其是乎國家受天駿命奄
宅區夏析海內為一十七路分命官以司漕運實兼
廉察統理郡國則漢之八使之權俱為非夫材如蕭

何威如張綱能豐儲侍而肅奸貪則不與是選我司
勲張公即中工部馬公即中領漕運於京東既再稔
二公靜惟國朝以來膺其任者為不少矣皆賢能有
材稱去此而入居臺省毗大政者有矣而爵氏不紀
其間也乃追錄前人而次之用刊諸石鄆之名州惟
舊某年以河決徙今新州而二公之署在焉今所追
錄則斷自徙州而下凡若干人徙州而上者蓋亡矣
觀夫羣賢爵氏森然在目未有不稱其任者矧二公
之業茂績隆度越羣賢遠甚其將去此而入居臺省
毗大政在蚤暮矣重惟二公之懿著於世也不可掩

蔽則人或覩此必曰某之言不為所部吏而倭且誣
也康定二年夏六月十日記

京東路轉運使廳刻獎諭勅記

獎諭方勅嘉臣勞也金石刻之尊君賜也夏州畔之
二年王師致討未克於是朝廷大臣外及庶官皆思
修政教出籌策幹財幣練士卒協心陳力補綴闕漏
以服乎有罪以基乎無為不敢自暇于位然猶天子
念邊警未徹日街名而夕惕至吳而弗食未明而乃衣
所以更張洪化懷來遠人此虞舜格苗周文降崇之
脩文德也我南陽張公扶風馬公以尚書郎主邦許

于外實居京之東屬國家有事於西鄙二公夙夜勞
躬憂思勤宣精力顧所職在國用在民隱方今宿兵
原野謂發良急苟國用民隱之弗恤於臣節乎何有
乃議校貨布經費之贏者以資乎軍須遂取千萬以
獻上以充國之供餽下以紓民之賦歛天子嘉其然
錫以璽書而褒之二公茂對天子之休命且欲流光
無窮非金石刻不永即命某以文誌焉惟二公之才
之任實朝廷之所賴以康也雖然於二公為小官而
尚勛以事如此異日天子擢賢以輔至治二公
並命為公為相必能推是心於天下則其德業銘鐘
鼎書竹帛然后納諸宗廟燕之勲室以昭示後世某
猶期為二公稱述茲敢不承命哉謹拜手稽首恭篆
其辭于璽書之下云

申堂記

申申堂者所以備燕息也無擇官于齊之六月郡政
之暇思得賓客之有道者與之書而學政焉乃度地
作堂以延賓客得隙地于寢室之後遂樹垣作限而
高宗堂為制不侈大亦不庠陋俯砌鑿二方池導回
泉水以灌其中匝岸植雜花果樹間以恠石植藕于
池池之東舊有竹數本又徙數十本益之成叢能而

賓客每至則引於此者古今之治亂評人物之是非
有不學古而能通時事者亦見之以諮詢其利病焉
或公退客去惟看書賦詩以為燕息之事若夫坐於
堂上則有逮峯在目鳴泉入耳時觀魚之泗間鳥
之囀竊感魚鳥之樂幾動林壑之戀此其燕息之趣
也居是官十有九月天子有詔俾三十日而後歸朝
惜夫將去此也因書其始作且誌其物或曰子名燕
息之堂曰申、非取孔子燕居之義乎無擇對曰然
書不云乎惟狂克念作聖若無擇其不為狂者耶斯
亦克念矣恐後來君子未之知我以茲為過故以其

說附諸康定元年夏五月二十有五日記

知雄堂記

君子之為道也夙夜皇皇不敢懈惰至於聖且賢
也苟二矣又將蘄其所施焉耳為所施惟勤而克著
大休顯內充于厥躬外及工斯民光永于來世其或
懈於其始而光且有終者末也蘭陵蕭君濬夙夜為
道有君子之心焉雖內充于厥躬而猶蘄其所施故
惟卑以處之若未有以過人者豈不幾乎賢哉寶元
己卯春以將作丞為齊臨邑明年新故堂於其廳事
之左堂故無名遂名之曰知雄在老氏曰知其雄守

其雌雄取大雌取小知其大守其小則實之者虛滿
之不損孔子所謂若聖與仁則吾豈敢又曰吾非生
而知之者好古敏以求之是矣惟君能知道之大守
道之小故取老氏說以名其堂蓋將與道出處不忘
乎知之守之之義也他日其獲用於朝廷施厥所為
以外及于斯民光永來世信夫道之雄也厥惟君之
志是試君子之心為臨邑於子為屬子乃知君也詳
後之來者其尚繼蕭君之志夙夜為道而又知其大
守其小則聖且賢可靳而至焉也苟不以其道而曰
吾不為雄而為雌不為大而為小必也懦夫者已未

可與言乎知雄之有也

柳州學記

時為廣南東路轉運使

皇祐五年七月柳州新作夫子廟學成太守陳君藻
移書作無擇識其始夫惟聖人者人道之規矩學者
王化之本原人道非規矩不成主化非本原不立我
國家因唐制天下州縣置夫子廟與學用古道也柳
於湘南介要荒之地向之為州者往々陋其俗而不
教之使知其方故舊祠圯毀而弦誦之音未之聞焉
前年陳君通判是州與太守李君初平始謀撤故而
新之因上其事朝廷嘉之賜錢三十萬以助其費用

承制再拜喜拈黃髮稚齒莫不聞知
明天子崇儒尊道之如此闔境歡聲蒸為太和衆工效能曉昏劬
勛事以亟集謀雖肇于李而成功者陳也其制究啟
尊顯為一州莊觀偶夫子興十哲于殿者王若公若
侯各視其冕服圖六十子于廡皆有次序儼然如攝
乎威儀後然如聞乎聲音左之右之有經有史學者
有能以力於斯不懈可以變冥為昭言具齊聖陳君
之是舉也柳人戴其德曷有窮乎矧君之自通判遷
知州事凡四年矣恩惠入民心也深矣金石之刻以
詔後人無擇不宜辭乃系以詩云天下有道兮庶人

不議王澤旁流兮海寓萬里化莫先兮吾儒崛起德
莫盛兮斯文遐被惟柳之人兮亦材而美河操為轅
兮可矯為矢孰絕其津兮孰梗其隧今我邦侯兮戚
然以責興墜補漏兮靡艱厥為廟學既成兮不愆舊
儀生徒既集兮率角新規勤道在己兮廣業及時入
聖之域兮為帝之師無曰苟取富貴兮內以自欺遺
我邦侯之羞兮汝顏曷施誰踵其武兮善繼勿墮惟
柳之人兮無忘此詩

袁州慶豐堂記

予去年春正月自廣南東路徙荆湖北路皆為提點

刑獄秋七月按部道次昂州奉詔改廣南東路轉運使時廣源州蠻入寇陷嶺外數州朝廷趨行乘遽日馳二百里決辰而達所治遠方久無事戎備既寡糧餉不給賊氣方銳我師屢敗予不量力亦提羸兵迫躡其後遂出竟外未幾以罪移典此州其始至也見城郭井邑在迤邐衆山之間如圖畫屏幃使人清趣不生俗慮都去郡僻務簡居多暇日小寢西有地一畝餘荒穢無人跡命冀除之為堂以休焉公退則擁書隱几而坐考聖賢之事業以自廣間或速賓友以琴尊相歡因謂坐客曰昔也委妻子而去履山川之險見危致命可謂勞矣今也曹無事秩有祿飽食終日不亦泰乎人雖以為貶予不以為貶也顧無以報陛下之德為憂耳是秋禾大熟百姓足食上下莫不悅懌乃名其堂曰慶豐且持其說私自賀焉

皇祐五年十月二十日記

唐韓文公廟記

元和十五年昌黎韓文公嘗為袁州刺史後二百三十四年無擇實泣此州築宮而祠之公諱愈字退之幼孤見鞠於凡嫂氏嫂卒服暮喪以報德進士及第應董晉張建封辟為汴徐二府從事入為國子博士

監察御史關中大旱民死盈路公請寬征復租幸臣
切齒貶連州陽山縣令在陽山有善政既去人懷其
惠生子悉以韓名繇江陵府法曹參軍再為博士避
謗分司東都遷尚書都官員外郎判祠部僧之無良
者一切寘于理用是復力穡者衆改河南縣令將發
魏鄆幽鎮留邸亡卒尹恐禁止歷職方及比部考功
郎中六館修撰知制誥初議計吳元濟朝廷文武大
臣無敢言者公以為宰相被殺中丞傷僅免若是兵
可息乎及裴度出征公以太子右庶子為行軍司馬
先馳至汴說韓都統一名紀宣祖廟諱上一年故書其言韓輿疾以從

蔡州平公謂度曰正承宗可取乃授書栢耆以往承
宗即獻德棣二州轉刑部侍郎佛骨至自鳳翔百姓
大飢膚為奉傾京師公上疏極陳其不可因得臯貶
潮州刺史近境有鱷魚食人公以文逐之魚輒遠去
人用無患移刺袁州袁州之民男女為人隸者踰約
則沒不得出公皆計傭子有而出之尋奏而著於令
拜國子祭酒接學官儒生必以禮除兵部侍郎鎮州
亂殺其帥署王延湊為節度詔公宣撫既行穆宗遽
止之公已入矣衆皆危公公辭氣慷慨如蹈無人之
境與士卒論逆順存亡之理莫不聽命解深州圍歸

牛元翼以吏部侍郎典選聽令史出入令史之勢遂
輕任京兆尹六軍將士咸畏憚帖怙不敢犯曰是欲
燒佛骨者其為人信服也如此憲宗既貶公於潮且
將復用之為皇甫鎛所忌乃以公為狂疎止可量移
一郡故有袁州之命公自鎮州還穆宗即欲相之會
京兆尹以不治聞乃擢公兼御史大夫有敕無臺參
中丞李紳繇是不協復為吏部侍郎卒贈禮部尚書
嗚呼公之器業可謂宏深魁偉施於行事細大夷險
無所不宜其文章博辨卓詭與商盤周誥相上下惜
也孔子沒無聖人者為之章顯以信後世而見繼於
史臣之筆其亦不幸也歟無擇何人哉道不加修學
不加益夙夜茂勉庶幾前烈謹詳書其實以著于記
云時皇祐三年冬十一月一日也

袁州東湖記

袁城之東有湖焉上有四亭興自近歲厥後為州者
毫昏不事湖亭用不治以荒初予至州目其處不
及往者三月既而吏曹務簡登城而觀水雖盈而甚
汚屋雖存而將傾延議葺之且官無羨財苟賦於民
則予不為也閱封內之浮屠民多藏者籍其餘什之
一募匠購財一皆新之別為堂亭臺閣互植以珍木

嘉果間以奇卉幽草紅葉綠荷雜襲波上於是游者
日往焉予樂州人之觀游是好遂署其中堂曰樂游
其東堂曰廉循厓之南其亭曰休因城之高其臺曰
月抗水而榭曰采香閣為庖厨二以供賓客舊亭四
皆無名亦名之在樂游之西者曰遜堂堂北有射明
南有石高丈餘奇秀可愛實自盧肇故宅徙為背城
而東門者曰采珠閣後有石亦惟舊廉與遜采香
采珠皆東西相值據城之隅者曰銷暑亭與月臺相
屬而差小者曰風亭其浮有航其絕有梁其登有磴
道其周有繚牆南北其門後溪前市山煙水風淵魚

林鳥明滅虛徐浮沉下上眺聽之際可以釋幽鬱可
以道和粹予以公事不得數自放于其間月或一至
再至蓋希矣予猶以為數也越二年新太守在道予
行有一矣因置酒為會同僚舉觴屬予曰湖亭雖舊
而增廣之以至大僂者非君而誰不可以不聞於後
盍文而刻諸金石乎予曰池館之作耳目之娛非政
之急何足道哉然此州自江以西最然窮處故
朝廷往々以有罪者居之予即其人也或終年不逢
王人出於其塗非數君子相與樂此予何以久處乎
後之踵予武者其以才選而來厥職是宜政成民和

能無燕嬉之事歟若以臯謫而來又宜有登覽之美
庶幾忘遷謫之累為繇是而言則茲境也當不廢矣
奚取於予文如欲謹其歲時請以斯言刻之至和二
年冬十月一日范陽祖無擇記

洛陽九老祖龍學

文集卷第七

洛陽九老祖龍學

文集卷第八

序七篇

刻經效方序

洪範一疇皆以天時人事本於王化其九曰嚮用五
福威用六極壽康寧考終命居福之三凶短折疾居
極之二苟陰陽和寒暑時兵革不起畫象不犯則民
壽康寧且考終命矣三代之際仁政之行非他也繇
是道也風雨不時人多疾疫邊鄙不寧刑罰不中則
民短折且疾矣暴秦之覆亡不暇非他也亦繇是道
也噫為天下國家者舍三代而不務則必暴君也污

吏^也未見其仁政所由興也求今之人能繇是道以行仁矣其提刑舍人彭城劉公乎公明白有材遇事輒斷奸貪下吏縮縮不敢動如老婢病妾對明鑑然常自謂曰陰陽和寒暑時兵革不起畫象不犯使民壽康寧且考終命者此宰相佐天子之職之業我則不敢然念四海之廣民踰億兆飲食之失飢寒暄之作沴為不少矣非有藥石之良孰救腹心之疾因取家藏方書所經效者總三百七十首且將刻石傳諸方來即出其本以示小子小子再拜拜賜不覺歎服公之用心可謂有仁術矣往者太宗皇帝集聖聖惠方

凡萬餘首錢之方板以廣流布今上皇帝作銅人象按明堂法分布膾空示民不惑以我國家四聖人豐功鉅德紹休天命永康民人仁政之行固已比隆于二代也尚慮和氣或鬱人乘為疹乃以藥餌之方鍼砭之法輔世所闕斯又過於禹湯文武之心為公則靡愛斯術用濟羣品有以見聖主賢臣同德協心如此其至矣異日朝廷訪公以天下之利害民間之疾苦公又將以仁義之藥禮樂之術醫時之病使鰥寡孤獨有養黎民不飢寒至于海隅蒼生或仁或壽其為美利萬々於茲也小子不敏辱命為序區區

之說願冠諸首

羣公送潘君秘校赴潁上詩序

去年余遊上都隸太學會友人芸閣讎書潘君說自
七鬪赴三銓余以秋賦獲升名於禮部君以冬集句
稽於潁上既而離羣索居望風懷想者三十旬于茲
矣今余抵潁謁舊參政貳卿蔡公屬君趨府且同傳
金胥會于此驩尉無量君乃出去年所得餞行詩繇
內相晁公而不暨予一十九人凡二十章其將籍不
肖文以冠諸首而刻諸石請不容遜可無辭乎君少
步楊屋為時聞人沉此下僚固未充量而君累歲處

之無一日戚于懷抱如尸貴仕享豐祿之為者事
上官不少懈亦未嘗以毛髮事取容於人非夫器之
闕大塗之脩遠而不可涯測則疇能如是邪貳卿蔡
公以元老舊德暫解魁柄息偃是藩薦紳之士延脰
翹踵以覲獎拔矧如君者孰與先焉余知君之脫塵
土凌煙雲當在此時不在異日必矣敢請題是辭于
羣公之詩左以為序時景祐五年秋九月十日也
十一月十八日
改寶元元年

河南穆公集序

積于中者之謂道發于外者之謂文有道有文然後

可以為君子道有用舍文有否泰然用舍否泰在命不在道與文也君子不以其命之窮而輟於為道道之不行而不廢于學文故雖身厄於當時而名顯於後世者繇此也河南穆公諱修字伯長天平人少舉進士有名廣場中真宗封泰山之年詔齊魯諸生以經明行修公實在其選越三年就銓調補秦州司理參軍居職以直自任無與合者人皆憚忌卒誣之罪遂貶池州再逢恩徙穎蔡二州為文學掾卒不復用明道元年秋九月終于家如公可謂命之窮道之不行也已而未嘗廢文大凡有作莫不要諸聖賢而立言舍諸仁義以為質平時所見於簡策殆者踰數千萬言時人得之且愛且學及公之歿無擇求遺文於嗣子熙得詩五十六書序記誌祭文總二十與無擇所藏增多詩一十二書序各一又從其舊友而求之往々知愛而不知傳故無獲焉姑類次是以為三卷題曰河南穆公集云時慶歷三年春南康清修閣中序

李恭伯退居類彙序

孔子沒千有餘祀斯文衰敝其間作者孟軻荀卿賈誼董仲舒楊雄王通之徒異代相望而不能興衰挾

敝者位不得而志不行也苟得位以行其志則三代之風吾知其必復嗟乎秦漢以來禮樂則不為而任刑以毆其民將納於治適所以亂之也歷世寢久皆謂天下當如是以致治而不治者時再故有奮筆舌為章句卒不及于禮樂者末哉文也盱江李泰伯其有孟軻氏六君子之深心為年少志大常慣疾斯文衰敝曰墜地已甚誰其拯之於是夙夜討論文武周公孔子之遺文舊制兼明乎當世之務悉著于篇且又歎曰生處僻遐不自進孰進哉因徒步二千里入京師以文求通于天子乃舉茂材異等得召第

一既而試于有司有司黜之嗚呼豈有司之過耶其泰伯之命邪或者天徒付泰伯以其文而命則否邪亦將位得志行後有時邪吾不得而知已泰伯退居之明亦類其文藁第為十有二卷以寄南康祖無擇且屬為序無擇既授之讀之暮月不休善乎文武周公孔子之遺文舊制與夫當世之務言之備矣務學君子可不景行於斯慶曆三年冬至日序

連席秀才字序

名之於身必存乎義無義不足以為名故字者所以明乎義之所存也夫春秋之法書字者貴之也書之

為貴則不書者賤可知矣噫字之用亦大矣古之人
名而不字者有矣字而不主乎名者有矣苟名與字
存乎義甚大而人不有其道又何所取焉上黨連君
學賢人者也學賢人者將有為也將有為則其思慮
深其志意廣精驚乎堯舜之道思慮不得不深心入
乎堯舜之道志意不得不廣連君學賢人勤且久而
不渝其心允乎賢人也其名席席之義亦大昔魯哀
公問儒於孔子孔子曰儒有席上之珍以待聘鄭氏
謂席猶鋪陳也鋪陳往古堯舜之善道以待見問也
夫堯舜之道存乎典蓋百王之所不可易之法也人
苟能得其道而鋪陳之以事其君不亦孔子之心乎
今連君之名席豈無意哉無擇敢請字之曰公珍惟
公珍有可為之材當可為之時又將居可為之位必
能鋪陳善道以事其君亦朋友有望於公珍也公珍
其勉諸

進士魏舜元字序

男子冠而不字可以謂之闕禮予之友弟魏君舜元
一日訪予以未字為請且懼其闕禮夫父名其子士
字其友時乃古予不敢遜因稽其名所出循其義以
取稱去字曰善長在春秋傳舜有大功二十而為天

子蓋言舉十六相去四凶人也易稱乾有四德元亨利正文言謂元者善之長也在坤則曰坤元亨利牝馬之正用知乾有四德坤亦有之乾言君神曰臣君臣之間皆備四德背十六相世濟其美天下之人謂之元凱其不善乎臣於堯舜非坤道乎弟以少年疆學篤仕進之心苟道日益脩志日益固何患夫不為元凱也何患夫不為明天子之舉也孟子不大乎舜何人也予何人也舜而可及元凱其不可及乎弟其勉之孟子又曰責善者朋友之道也予既辱來請且訊其舜之功又緣其坤之德重以孟子之言并而為

序以畢其說不褒而勉者亦庶幾乎責善之道焉

題宜春臺詩序

宜春郡有五臺號宜春者為甲蓋其據會要盡登眺之樂自古迄今幾千百年遊於斯者幾千百人好事之流覽景而賦詩者豈少耶今存於屋壁者不過近世三四十人而已余意經久失其傳爾乃因暇日命工為巨版總錄其詩凡三十首庶免散亡不以詞之妍媸不以位之高卑惟以歲月次其先後或曰子其刪之如何余應之曰非聖人之徒不敢爾為也請俟來者

洛陽九老祖龍學

文集卷第八

洛陽九老祖龍學

文集卷第九

書并神道碑銘墓表祭文

與張郎中書

月日范陽祖無擇謹致書于郎中執事無擇中間嘗奉面命碑謨先正侍郎神道碑文初不敢承命暨執事改治州又辱書來請伏以先正侍郎潛德弗耀克昌其家無擇才學短淺固不能發明往行然屢被見託不可無辭以尉孝思其碑今已撰成謹令繕寫寄獻文字荒謬深懼不稱伏惟尊明詳擇不宣

宋故贈尚書工部侍郎清河張君神道碑銘

寶元元年冬十一月庚戌天子有事于南郊還乃賞公卿行慶賜自公以下位于朝者其父母祖父母既歿咸有贈官例也明年春知齊州軍州事尚書虞部郎中張公某語其僚大理評事祖無擇曰我先正本無官某治毛鄭詩咸平三年擢第自有位于朝累贈為衛尉卿今天子以園丘之祀均釐臣庶又贈至尚書工部侍郎按令當斷石為碑表諸神道願得文章以系以銘無擇曰不敏文章不足以信後人敢辭他日見復言無擇曰此謨述之事非末學所宜為固辭未幾公改治洛州又移書來請益堅無擇大懼

違孝子之心有咎乃不敢辭其碑曰惟張氏先寶皇帝所自出其苗裔蕃衍甚盛漢晉暨唐有文武材為王侯公卿大夫十五六唐末五代天下喪亂衣冠舊族往流落閭閻間沒而不振故侍郎諸祖咸夷于民曾祖諱瓌祖諱溫父諱隱以中原版蕩與其族轉徙四方無常產逮周廣順中始占籍于濟侍郎諱澄字仲容寔濟人也侍郎以諸祖連數十歲避難南北約其餘貲無以支經費遂不為他務惟蚤夜孜孜以治生事常自儉嗇推所有以均其宗屬歷數年為富家大族嘗有里中山人晝日輒撰物侍郎不畀人捕焉

俄而凶人自致其所盜物而去濟民於是號有善行
初即中君以明經中選侍郎訓于庭曰汝惟清謹乃
克保厥官汝惟友是乃用瘵厥躬即中君初服其誨
言罔敢失墜繇州縣職為幕府客遷京朝官宰邑守
郡時稱廉平故人咸謂張氏有子矣侍郎之配曰太
原王氏積封寧晉縣太君生六男四女男長即即中
君也次曰永圖曰永昌曰永錫曰永肩曰瑋並無祿
早世女俱嫁為仕妻侍郎以咸平五年秋八月終以
明道元年秋八月葬于濟之鉅野縣仁義鄉仁義里
以寶元二年秋八月作碑于道固自一命大理評事

暨今尚書工部侍郎凡六被贈曲也於是條其世係
官闕以狀來請辭刻于石辭曰

東京陳氏 著于穎川 世莫不聞

大丘之賢 降及千載 孰纂其先

君曾祖考 奕世服道 樂只丘園

不易其操 涵淳淵深 後必浩々

至君起家 存諱有華 即署卿曹

爵服載加 周旋四紀 靡有過差

于沂于并 于新于撫 若泗興國

別乘守土 王澤是宣 及爾黎庶

聽訟由人 下無究民 發姦摘伏

異如神明 折強扶弱 愛如陽春

七十致政 雖曰禮典 卿士大夫

由之蓋鮮 惟君知止 聖言是踐

昔學而仕 車朱兩轡 盍歸乎來

棲遲衡門 始終進退 身歿名存

咨尔來世 欽此遺懿 鄉黨善人

朝廷循吏 石有時泐 斯文不墜

鄭都官墓表

予既作韓文公祠成因畫都官即中滎陽鄭公像于

東壁以配未幾郡人之戴白者以公墓所在來告乃

率僚尸丞往觀之距城纔七里而獲焉於是增封與

樹植宇隧前周以垣墉限以閉閤伐石為碣表于路

隅公名谷字守愚袁州宜春人光啟三年進士及第

始為宣德軍節度判官不行以所知薦擢為殿中丞

遷國子博士尚書虞比駕部員外郎中司農少卿歷

知南京下邑縣廬州舒城江陵府江陵邛州大邑縣

通判沂并州知新撫泗州監光州酒稅知興國軍始

為郡掾留心法律嘗言五服年月之制輕重之失凡

九條請行刊正又言五代之法有自徒加至死者亦

請減定並從之赴調吏部以書判高等遂佐江陵幕
時府政尚威猛僚吏無敢言者君頗為規正一府賴
焉君在舒城主推茶苑有大姓張迪等五家常擅其
利他商莫能行君為革其敝迪等乃誣高宗廟諱訟君於
上在法當免轉運使察其非罪聞于朝迺得其直
迪等皆黜配焉治江陵有善政後有餘越者代君為
治亦著能名時人歌曰前陳後徐政簡民舒民到于
今稱之有沂州殺人者反得無辜而按之會君被檄
如齊未幾而已具獄君立辨其寃後果得殺人者人
以為神明樞密直學士王公雅聞君名及守太原辟

以為僚至則一府之事多以委之春州有馬萬者殺
人辟連馮資既而吏鬻獄將以資死焉君方為新州
轉運使乃以屬君繇是資得不死撫民素好訟君下
車三口牒訴數百一：照其情偽區處無有不當訟
是用希泗當水陸之會政事繁君處之沛若有餘
刃皇祐中諸路轉運使承詔上列郡治狀而君在淮
南為第一踰年拜章懇求近鄉一閑局以便於私章
再上乃有光州之役俄為使者奏起之復知興國軍
大江以西其俗尚鬼君一切禁止民遂化之居二年
請老既得謝歸故里一不問家事惟與同縣人高士

劉瞻相往來講道義泊如也以嘉祐六年十月十四日啓手足予私第享年七十有三君少時孝謹諸父有欲異居者為之泣諫乃止丁繼母憂廬墓三年極於哀毀其涖官效職廉白明恕數見稱述若文潞公明文列公高文華公皆引重焉曾祖隱祖懷懿並不仕治左氏春秋世其學父谷不仕累贈尚書工部侍郎妣李氏張氏梁氏封壽光僊遊僊縣源太君君三娶初黃氏次程氏後許氏皆望族也程許封長壽天興縣君男八人之翰之竒之才之純之敏之道之輔之賢翰撫州司戶參軍竒宿州臨漁縣主簿純蘄縣

主簿才不卒早世餘皆舉進士女四人伯叔並夫仲李嫁為士妻孫十一人曾孫二十二人君既有疾一日謂諸子曰吾疾革矣吾死當乞文於祖擇之以識丘壠則瞑目無恨焉諸子以熙寧元年四月二十日葬君及三夫人于蔡之新蔡縣咸平鄉龍泉里吉從卜京兆府劇縣尉終以尚書都官郎中老於鄉嘗作拾遺補闕當時正人多稱其善尤工五七言詩為薛能大拙所有雲臺編與外集凡四百篇至今行為士大夫家暨委巷間教授兒童咸以公詩與六甲相先後蓋取諸辭童溝婉明白不狎不野故然嗚呼人患

不學學患不至苟至矣雖小善必聞古之醫師日者
之類有能臻其極猶或不磨滅於後世矧詩者吾聖
人之門六藝之一乎宜乎公之名與詩俱存也予觀
今表人服儒而志古者誠不少矣他日卓然以文章
功業與前人並駕則誰歟予是舉也將以勉其所未
至耳墓在宜春縣信義鄉仁成里至和元年冬十二
月五日記

祭故鄆州孔給事文

維寶元二年歲次己卯閏十二月丁亥朔十日丙申
承奉郎守大理評事通判齊州軍州兼管內河堤勸

農事借緋祖無擇謹以清酌庶羞之奠致祭于故鄆
州給事孔公之靈嗚呼直如絃外道邊昔聞其語今
見公焉嗚呼公乎秉德自天其道甚大動直靜專惟
我素工寶公遠祖王之四科方冊攸布公能兼之用
躋近著克孝于親克忠于君德行以聞再使絕域時
謂稱職言語維則五為州牧務簡刑肅政事有穆好
古博雅不舍晝夜文學是駕公以諫言得官諫垣攷
攷獻替采闕以完中間左遷迺于蕃宣帝思其賢
趣召次旋復位于朝丞我御史表正中外有綱有紀
有議于廷惟公固爭遂被斥逐去如流萍守徐暨究

歲華五變又詔俾歸舊職是踐厥惟宵人實交通臣
訟起王府迹狀誠陳公按其獄細大必親投鼠忌器
有惻上仁巧言如簧茲用中傷朝奪其官夕與汶陽
道次澶淵館舍以捐聞諸行路失聲潛然靈輜東歸
闕里故第寓殯于郊茲辰維利敢陳薄奠以致精意
公其鑒之尚或來暨嗚呼哀哉伏惟尚饗

洛陽九老祖龍學

文集卷第九

洛陽九老祖龍學

文集卷第十

雜文

洛陽文忠公除吏部侍郎告詞時為知制誥

先皇帝遺大投艱于朕躬俾守宗廟暮年于茲惟是
三政事之臣輔朕不逮以底于治嘉乃勞止是用疇
庸推忠協謀佐理功臣金紫光祿大夫行尚書戶部
侍郎參知政事柱國樂安郡開國公食邑二千八百
戶食實封八百戶毆陽修精識照于古今高名起于
日月文之以禮樂濟之以公忠項在先朝預聞大建
予嗣訓之始繫爾定策之先屬哀毀之過差感疾疹

之甚美暨禱備至氣體詔康苟非與在之良曷見仰
成之懿宜峻天臺之秩庸晤國棟之隆褒德懋公於
是乎在爾其夙夜戎勉左右弼諧用又我王家爾亦
有無窮之聞豈不休哉可特授行尚書吏部侍郎依
前參知政事功臣散官勲封食實封如故

為病設醮青詞

臣聞惠典吉從逆凶惟影響惟時上天鑒厥下厥下
克寅威罔惟無咎悔亦用集于多祉茲臣固常聞於
師而臣愚不明弗克率厥道以底于休反肆志不類
允宜速災疊于厥身今天謂愚無罰而猶降疾以告

戒俾怵惕其心而臣夙夜靜惟先王之訓敬懼不怠
尚克惠迪以終有慶以承天惠惟天聽在下必聞臣
之言天而既告戒矣臣亦既敬懼矣寶期藥石所治
以即康寧臣其有渝今日之言惟天罰不敢違臣無
任懇禱之至

進士策問三道

第一道

問古者井田之法什一而稅國用足民食不匱雖有
凶荒兵革而無菜色者矣國家富有天下農田至
廣賦稅亦厚益以山澤之產醴苴金珠犀象之利又

征商權酤獲其饒無凶荒兵革之事而國用不足民食匱者何也子極言其所以然而陳古道以教我

第二道

問儒者言聖人則必首夫孔子孔子之刪詩書定禮樂贊易道修春秋謂之六經茲固萬世不刊之書也孔氏序書則云斷自唐虞以下訖于周今之所存可考矣司馬遷作史記則有五帝本記孔氏又以少昊顓頊高辛唐虞之書謂之五典司馬本記則首黃帝刪紀亦既有異黃帝又復不同二者差殊豈無得失聖賢之子旨其辨焉

第三道

問夫子之文章著於書載於傳所以垂世立教不為空言也其有並出書傳而旨遠不類非質於博識通儒則不能無惑且如書云兩造具備師聽五辭及稱子路則曰片言折獄其由也與又若會于夾谷云有文事者必有武備及對衛公問陳則曰軍旅之事未之學也儻以兩造具備師聽五辭則由也片言折獄何為而稱之苟有文事者必有武備則衛公問陳何為而不對茲固學者之所常沉研耽味也遲門其說以附于經

與盱江李泰伯五啟

其一

無擇再拜泰伯先生酷熱以來氣體何如驛置相望
不遠千里無階披奉祝增詹企法掾連君錫僕之故
人有文而善與人交泰伯見之當相得以驩矣千萬
善愛慰此多憶無擇手記頓首泰伯先生

六月十七日

其二

無擇啟累日前軍校過敝邑得泰伯所示書承起居
無他為慰甚深也慶曆良言皆極當時之病真醫國
之書耳使今相天子宰天下者聞其言而行之何憂

乎獯鬻何患乎拓跋氏邪無擇疎賤不得言于朝泰
伯又俾附寄永叔即須良便致之也君錫行日曾託
奉書必得通上無擇近作愛堂銘與文爽序在君錫
處宜托觀覽因風幸示可否之秋暑千萬善愛不宣
無擇再拜

二十日

其三

無擇自來淮楚以地遠且少便復吏事無餘暇故不
得時一拜書徒自鬼頌亡已足下之門人高第者曰
陳生過聽不接遣介走數千里惠然以書見抵且示
之策捧覽之際覩生面目茲足下之不鄙遺我而俾

之相示也顧愚何足以當之推轂之教豈敢不勉趨
奉來由惟祝善愛諸懇可期面會茲不布萬一無擇
再拜泰伯足下四月九日淮上書

其四

無擇再拜泰伯先生無擇嚮者居夏丹陽辱書者再
兼承見寄長篇及賦不任感仰然以道途阻遠少遇
信便無階致誠而望風依、靡忘終日也去歲過洪
井見建昌牙校首詢動止且將附問乃先生赴范杭
州召已行矣又不得通區、于左右今陳秀才人來
捧所貺手尺具悉起居如宜差尉詹渴萬一無擇方

此奔走披晤來日仰靳千萬為道自愛愚懷所望無
擇再拜泰伯先生

其五

無擇再拜泰伯先生言念久不附問惟劇詹馳夏末
抵表即欲致記竊聞暫車寓治洪井及詢諸相識乃
云他適蓋傳聞之不得番的耳介至忽捧手墨承體
局休佳殊尉區、敬郡已作學更三兩月可成當須
坐邀長者來此為後生唱道此乃時專遣人禮請次
謹先此咨露秋涼希千萬若時加愛懇、無擇再拜
泰伯先生

八月二十三日

知袁州日謁

仰山廟祝文

無擇謹以清酌之奠敢昭告于仰山之神大江之西袁實小邦於京師為遠地近世守茲者者多不選任重人非不材與有罪為時棄逐則不至焉無擇不幸既不材且有罪其小邦遠地固所宜處既至州三日與吏民相見矣然念雖小人不可不務為君子蓋有志於君子則不以進退遠邇易其慮竊惟幽明之際神人相依人克事神以誠神必祐人以福苟無擇政有繆盭弗協于極以傷其和神其降罰于無擇之

身罔敢怨尤無作水旱疫癘菑害百姓尚饗

祈雨祝文

無擇謹以清酌之奠敢昭告于仰山之神惟袁之民庇于朽舊矣今天子以無擇有罪俾守茲土曾未朞月民以旱告無擇殊不知所以獲戾于神豈神以朝廷謫無擇之身尚存餘責而神責之手不然何當雨而不雨使千里之內戴目而望膚寸之雲以雨其田疇心憂且悲將繼之血無擇儻無罪而神責之不明有罪而移其責於民不仁不明不仁虧神之德其作霖雨以活百姓之命厥或後時雖雨無益也

尚饗

謝雨祝文

無擇謹以清酌庶羞之奠敢昭告于仰山之神歲
比不登民饑已甚公私匱乏不堪其憂田農之家往
往舉息錢以市種與牛乃克播種苟嘉穀未秀而膏
澤斯愆則西成何望為無擇不忍見此民將轉死於
溝壑遂有禱于神蒙神哀之雨以時降闔境之內靡
不霑足惟神之德大不可酬非薦至誠罔以為報神
其有終厥惠無毀予成使民感神之德于無窮豈不
休哉尚饗

秋祭祝文

無擇謹以清酌庶羞之奠敢昭告于仰山之神歲
云秋矣百穀用成俾民小康乃神之賜恭修時祭是
謂報功神其永茂吾民食于茲土不已尚饗

春祭祝文

無擇謹以清酌庶羞之奠敢昭告于仰山之神月
旅仲春農務東作百姓有倉箱之望三時無風雨之
愆繫神降康俾民蒙福嚴伸時祭其鑒至誠尚饗

祭韓文公祝文

皇祐五年十一月初一日築

韓文公祠堂落成以文安謝

嗟乎公之文章日光玉潔可學而式公之聞望太山
北斗可仰而尊公之篤道自比孟軻可從而信公之
經學為諸儒倡可從而效至於排闥浮圖力抵萬乘
竟謫于潮旋移于袁遺愛弗泯邦人是思去古雖邈
其風猶在無擇偶以罪譴出守于斯遐想英風築宮
以祠乃繪慮鄭暨公門人賢若湜翱並列從祀比至
落成為文以告諒云英爽其鑒于茲尚饗

祭鄭都官祝文

至和元年十二月初五日五臣廼建

鄭都官郎中墳亭神像落成之後以文安謝

無擇茲以備負出守此土固當首尊文行以勵郡俗
則搜訪前賢遺跡詎可後歟於是閱唐人登利記則
知公之必有素觀郡庠雲臺編則知公之詩有體得
佳城之故所則知公之跡可仰故卜以吉日高宗廟諱以
墳宇繪以亭像敬率郡僚以文告為嗚呼公之生也
其亦人中之龍也而亡也其亦星辰山嶽之歸也則
夫所以修完墓宇者繫欲勵此邦之俗而俾後進之
有所繼也區區之文靈其鑒焉尚饗

鼎州掩源觀題名

皇祐四年正月自廣東憲徙為湖北

提刑七月奉

詔改廣東轉運使

予按部辰陽往來再經桃源觀時皇祐四年秋七月

己酉壬戌范陽祖無擇題

親書刻于觀中

塔田仰山新廟題名

自廣南東路轉運使以太常博士直集賢院移

知袁州皇祐五年六月五日到任至和二年十

二月十三日尚書比部郎中翁及替罷

范陽祖無擇隄

制祭

仰山神東平費式江夏黃本南陽白文清洛陽林觀

盱江李泰伯滎陽潘及甫河東柳淇偕行至和元年

夏四月丙戌淇書

刻石立於殿下饗亭前

謝到任表

元豐六年

神宗召起平龍學典藩

臣無擇言昨奉

勅命差臣知光州已於今月二十六日到任交割管

幹訖者受命以還視事伊始戴恩懷懼撫已震驚臣

無擇中謝伏念臣世系單微天姿謏薄偶緣尸寸之
技誤塵甲乙之利遂自下陳寢階近侍歲月滋久功
効蔑聞夙夜勤勞過咎深積果人言之是速在吏議
以何逸流竄累年飄泊散地俯臨晚節仰被洪私復
叨守土之榮實出逢辰之幸茲蓋伏遇

皇帝陛下堯仁衛覆舜智無為憫臣少被於搜揚察
臣老流於裔荒遠從謂籍復置列藩臣敢不捫心省
過刻骨去非誓殫犬馬之疲勞免擠溝壑之玷辱庶
逃後悔尚蓋前愆臣無任
洛陽九老祖龍學

文集卷第十

